

April 7th, 2019

# Shoghk Educational



In this Issue:

. **Գալստյան կիրակի (Մեծ պահքի վեցերորդ կիրակի)**

## St Yeghiche Armenian Church Parish

Reg Charity No II73403

13b Cranley Garden, Kensington London SW7 3BB, UK

t.020 7373 8133, e. [info@styeghiche.org.uk](mailto:info@styeghiche.org.uk)

w. [www.styeghiche.org.uk](http://www.styeghiche.org.uk) , f. [www.facebook.com/styeghiche](https://www.facebook.com/styeghiche)

### Welcome to Shoghk Educational

### Գալստյան կիրակի (Մեծ պահքի վեցերորդ կիրակի)

Մեծ պահքի վեցերորդ կիրակին կոչվում է «Գալստյան կիրակի»: Այս անունը մեզ պատմում է Քրիստոսի առաջին գալստյան մասին՝ որպես Փրկիչ, ծառայի կերպարանքով, և ապա հայտնում Տիրոջ Երկրորդ գալստյան լուրը՝ այս անգամ արդեն որպես ահեղ Թագավոր:

Ինչպես նախկին հինգ կիրակիները, այդպես էլ վեցերորդ կիրակին նույն շղթայի մասն է կազմում, որը վեցորյա արարչության և վեց դարերի կատարյալ տիպն է:

#### ՏԻՐՈՋ ԳԱԼՈՒՍՏԸ

Տիրոջ առաջին գալուստը շնորհի ու ողորմության համար էր, որը եղավ ծածուկ, հեզությամբ ու խոնարհությամբ, առանց ոտնաձայների՝ ինչպես անձրևը գեղմի վրա, իսկ երկրորդը՝ արդարության ու տանջանքների, որը լինելու է բացահայտ՝ Հոր փառքով, լուսեղեն ամպով, հրեղեն կառքով, չորեքկերպյան արթոռով ու բարկությամբ՝ ըստ այս խոսքի. «Մեր Աստվածը պիտի գա հայտնապես, և մեր Աստվածը պիտի չլռի, Նրա առջև հուր պիտի բորբոքվի, և Նրա շուրջը սաստիկ մրրիկ» (Մատթ. ԽԹ 3): Առաջին գալուստը մեղմ եղավ, ինչպես Եղիային մոտեցավ մեղմ օդի ձայնով (տե՛ս Գ Թագ. ԺԹ 12), իսկ երկրորդը լինելու է խստաշունչ հողմով, որը լեռներ է քանդելու և վեմեր խորտակելու:



Տիրոջ Երկրորդ գալստյան օրն անհայտ է մարդկանց՝ ըստ այս խոսքի. «Այն օրվա և ժամի մասին ոչ ոք չգիտի. ոչ էրկնքի հրեշտակները և ոչ էլ Որդին, այլ միայն Հայրը» (Մատթ. ԻԴ 36): Քրիստոսի առաջին գալստյան ժամանակը հայտնի էր Սուրբ Գրքից, ըստ այս խոսքի. «Երուսաղեմի շինվելուց մինչև առաջին օծումը կա յոթ յոթնյակ և վաթսուներկու յոթնյակ, որպեսզի վերաշինվեն հրապարակներն ու պարիսպները և նորոգվեն ժամանակները: Վաթսուներկու յոթնյակից հետո կվերանա օծումը, արդարություն չի լինի նրա մեջ» (Դան. Թ 25-26): Սակայն մարդիկ ծուլության պատճառով չկարողացան դա իմանալ՝ ըստ այս խոսքի. «Քո այցելության ժամանակը չճանաչեցիր» (Դուկ. ԺԹ 44): Եվ երբ Քրիստոս եկավ, Նրան չընդունեցին, այլ նախատեցին ու սպանեցին: Այս պատճառով Երկրորդ գալստյան ժամանակը թաքցրեց մարդկանցից, որպեսզի հանկարծակի հասնի նրանց վրա:



Մինչ Քրիստոսի Երկրորդ գալուստը պիտի գա նեղը, թլփատվելով պիտի պահի Սովսեսի օրենքն ու խաբի մարդկանց՝ ասելով, թե ինքն է Քրիստոս, և հրեաները նրան պիտի հավատան: Իսկ ովքեր նրան չհավատան, նրանց տանջամահ պիտի անի: Ապա Քրիստոս Իր գալստյամբ սատկեցնելու է այդ գազանին:

Տիրոջ գալստյամբ պիտի բացվի երկինքը, որից պիտի սասանվեն ու հավվեն լեռները, ինչպես մոմը կրակից (տե՛ս [Եսայի ԿԴ 1](#)): **«Արեգակը պիտի խավարի, և լուսինն իր լույսը պիտի չտա, և աստղերը երկնքից պիտի ընկնեն»**([Մատթ. ԻԴ 29](#)): Երկնքի գորությունները և անմահների բյուրավոր բանակները պիտի շարժվեն, քանզի Թագավորը շարժվեց, և մեծ պիտի լինի Նրա բարկությունը: Երկինքը շառայունով պիտի անցնի ու չքանա, հրով կիզված տարրերը պիտի լուծվեն, և երկիրն ու ամեն գործեր, որ կան նրա վրա, հայտնի պիտի դառնան (տե՛ս [Բ Պետ. Գ 10](#)): Իսկ Եսային ասում է. **«Երկինքը մագաղաթի պես պիտի գալարվի, և կլինեն նոր երկինք և նոր երկիր»**([Եսայի ԼԴ 4](#)): Ապա պիտի գան հրեղեն կառքերը, որոնց մեջ պիտի լինի Տերը (տե՛ս [Սաղմ. ԿԷ 18](#)): Նրա շուրջ լինելու են մրրիկ, որոտ ու երկնային գորքերի բարբառ: Նրա առջևից լափող կրակն է գնալու, իսկ ետևից՝ բորբոքված բոցը (տե՛ս [Հովել Բ 3](#)):

Ավետարանում ասված է. **«Որովհետև ինչպես փայլակը, որ ելնում է արևելքից և երևում է մինչև արևմուտք, Մարդու Որդու գալուստն այդպես կլինի»** ([Մատթ. ԻԴ 27](#)): Ինչպես փայլակն է ահեղ գորությամբ հայտնվում, այդպես էլ մեր Տերը պիտի հայտնվի մեծ գորությամբ ու բազում փառքով: Ինչպես փայլակը որոտմամբ է հայտնվում, այդպես էլ Տերը պիտի գա փողի ձայնով, և ինչպես փայլակի լույսը հալածում է խավարը, այդպես էլ Տիրոջ լույսը պիտի հալածի մեղքերի խավարը: Ինչպես նախ փայլակն ենք տեսնում և ապա լսում նրա ձայնը, այդպես էլ Տիրոջ գալստյամբ՝ նախ խաչը պիտի երևա և ապա Տերը պիտի հայտնվի:

Նախքան Դատաստանը մեծ ու սաստիկ հուր է լինելու, այն սփռվելու է ամբողջ աշխարհի վրա, ջրերի նման տարածվելով՝ ծածկելու է լեռները, ինչպես եղավ ջրհեղեղի ժամանակ, և այրելով մաքրելու է ողջ աշխարհն աղտեղություններից՝ ըստ այս խոսքի. **«Նրա առջևից հուր պիտի ընթանա՝ այրելով Իր շուրջ եղող թշնամիներին»**([Սաղմ. ԴԶ 3](#)):

Աթոռները պիտի դրվեն, և Հինավուրցն այնտեղ պիտի նստի (տե՛ս [Դան. Է 9-10](#)), Նրա առջևից հոսելու է կրակե հորդ մի գետ, և Նրան շրջապատելու են բյուրավոր [հրեշտակներ](#): Հինավուրցն անսկիզբ Հայրն է, Ով հնացնում է օրերն ու ժամանակները: Նա պիտի նստի աստանում, և պիտի բացվեն գրքերը, որտեղ աշխարհի [մեղքերն](#) են գրված: Կրակե գետը Հինավուրցի սրտմտությունն է, քանզի կրակով է դատելու աշխարհը: Այս գետը գումարվել է աշխարհի սկզբից մինչև վախճանը կուտակված մեղքերի կաթիլներից: Այսօր Աստծու և Գառան աթոռից ելնում է ողորմության ու շնորհի գետը՝ մեղքերի լվացման, հոգու զվարթության և ուրախության համար՝ ըստ այս խոսքի. **«Հրեշտակն ինձ ցույց տվեց նաև սատնորակ Կենդանի ջրի մաքուր մի գետ, որ բխում էր Աստծու և Գառան գահից»**([Հայտ. ԻԲ 1](#)): Սակայն վերջին օրը ողորմության գետի փոխարեն լինելու է արդարության հրեղեն գետը, որից դժոխքի լիճն է գոյանալու: Ապա երկնքի ամպերի միջից գալու է Մարդու Որդին (տե՛ս [Դան. Է 13](#)), Ում տրվելու են իշխանությունն ու պատիվ: Սա այն է, ինչի մասին ասաց Տերը. **«Սակայն Հայրը ոչ մեկին չի դատում, այլ ամեն դատաստան տվել է Իր Որդուն, որպեսզի ամենքը պատվեն Որդուն, ինչպես պատվում են Հորը»** ([Հովհ. Ե 22](#)):

Երկրորդ գալստյամբ Քրիստոս նորոգելու է տիեզերքը և պսակելու Իր սրբերին: Նա պիտի ուղարկի Իր հրեշտակներին մեծ շեփորով՝ հավաքելու Նրա ընտրյալներին աշխարհի չորս կողմերից ([Մատթ. ԻԴ 31](#)): Ննջածների հոգիները, Նրան նախընթաց լինելով, արծվի նման սլանալով, պիտի հասնեն իրենց մարմիններին և ապա պիտի վեր թռչեն դեպի ամալը՝ ընդառաջ գնալով Քրիստոսին:

Քրիստոսի գալստյամբ բոլոր մարդիկ փողի ձայնով դատաստանի են կանչվելու և հավաքվելու այնտեղ, ուր խաչվեց Տերը: Ապա Քրիստոս Դատավորը նստելու է աստիճանում՝ հարցաքննելու յուրաքանչյուրին: Բացվելու են գրքերը, որից բացվելու են մեր աչքերը՝ ճանաչելու չարն ու բարին, և մենք պատասխան պիտի տանք մեր գործերի, խոսքերի ու խորհուրդների համար: Եվ այստեղ պիտի երևա Դատավորի նրբատեսությունը, քանզի Նապետք է ցույց տա անգամ այնպիսիների մեղքերը, որոնց մենք արդար էինք կարծում: Եթե միայն Տիրոջ փառքի ծագումից հովիվները երկյուղեցին (տե՛ս [Ղուկ. Բ 9](#)), իսկ մի հրեշտակի իջնելը գերեզմանի վրա ահաբեկեց պահապաններին (տե՛ս [Մատթ. ԻԸ 4](#)), ապա որքան առավել կահաբեկվեն մեղավորները, երբ փառքերի Տերն Իր գորքերով մեր աչքի առջև երևա՝ դատելու մեզ:

Քրիստոսի գալուստը դատաստանի համար երկու կերպ է լինում: Առաջինը՝ երբ գալիս է յուրաքանչյուր մարդու [մահվան](#) օրը՝ առանձնական դատաստանի համար, իսկ երկրորդը՝ երբ գալիս է վերջին օրը՝ համընդհանուր դատաստանի համար: Առաջինի համար ասում է. **«Իմ Հոր տան մեջ բազում օթևաններ կան. թե չէ Ես ձեզ կասեի, թե գնում եմ ձեզ համար էլ տեղ պատրաստելու. և եթե գնամ և ձեզ համար էլ տեղ պատրաստեմ, դարձյալ կգամ և ձեզ կվերցնեմ Ինձ մոտ, որպեսզի ուր Ես լինեմ, դուք ևս այնտեղ լինեք»** ([Հովհ. ԺԴ 2](#)): Իսկ վերջին օրը Քրիստոսի գալուստը նմանեցվում է փայլակի ճայթյունին: **«Եվ ապա երկնքի վրա Մարդու Որդու նշանը պիտի երևա, և այդ ժամանակ երկրի բոլոր ազգերը լացուկոծ պիտի անեն և պիտի տեսնեն Մարդու Որդուն, որ գալիս է երկնքի ամպերի վրայով՝ զորությամբ և բազում փառքով»** ([Մատթ. ԻԴ 30](#)): Այստեղ Մարդու Որդու նշանը [խաչն](#) է: Ինչպես [համբարձման](#) ժամանակ ասվեց. **«Ամալը Նրան ծածկեց նրանց աչքերից»** ([Գործք Ա 9](#)), այդպես էլ Երկրորդ գալստյան ժամանակ ամալով է գալու Տերը:

Ինչպես այն ամպի պունը, որը երբ հովանի էր լինում Իսրայելի որդիների վրա, խոովեցնում էր փարավոնի գորքին (տե՛ս [Ելից ԺԴ 24](#)), այդպես էլ Տիրոջ գալստյան օրն աջակողմյանները պիտի ասեն. **«Օրհնյա՛լ է Նա, Ով գալիս է Տիրոջ անունով»** ([Մատթ. ԻԱ 9](#)), իսկ ձախակողմյաններն ասելու են լեռներին. **«Ընկե՛ք մեզ վրա, և բլուրներին, թե՛ ծածկեցե՛ք մեզ»** (տե՛ս [Ղուկ. ԻԳ 30](#)), քանզի եկել է Տիրոջ բարկության օրը, և ո՞վ կարող է կանգնել Նրա առջև: Քրիստոսի աթոռը Բաբելոնի հնոցի նման է լինելու, որում երեք պատանիները, այսինքն՝ աջակողմյանները, Աստծուն են օրհնելու, իսկ կրակի բոցը, գետի նման ծավալվելով, այրելու է ձախակողմյաններին, այսինքն՝ մեղավորներին (տե՛ս [Դան. Գ 24](#)):

Տերունական Խաչը երևալով գնալու է ու կանգնելու Երուսաղեմում, ուր Տերը [խաչվեց](#), և բոլոր արարածները, Խաչին հետևելով, գնալու են Երուսաղեմ: Ապա հնչելու են փողերը, դրվելու են այծոռները, որից հետո գալու են հրեշտակները և Խաչի առջև են ժողովելու Ադամի սերնդին: Գալու են սուրբ մարգարեները՝ հրեղեն կառքերով, ապա՝ [առաքյալները](#) և բաժանելու են հավատացյալներին

**«Իմ Հոր տան մեջ բազում օթևաններ կան. թե չէ Ես ձեզ կասեի, թե գնում եմ ձեզ համար էլ տեղ պատրաստելու. և եթե գնամ և ձեզ համար էլ տեղ պատրաստեմ, դարձյալ կգամ և ձեզ կվերցնեմ Ինձ մոտ, որպեսզի ուր Ես լինեմ, դուք ևս այնտեղ լինեք»**

**Priest in Charge**  
**Rev Fr Nshan Alaverdyan**  
Mobile 07548 777147

Church Address:  
St Yeghiche Armenian Church  
13b Cranley Gardens  
Kensington  
London, SW7 3BB  
Info@styeghiche.org.uk

**Parish Council**  
**Viken Haladjian**  
Chairman

**Keghvard Vartanian**  
Vice Chairman

**Setrag Karanfilian**  
Treasurer

**Nairy Afrikyan**  
Secretary

**Arshalouys Babayan**  
Member

**Sonig Jojaghian**  
Member

**Lorees Arakelian**  
Member

## For Enquiries and Booking:

**Rev Fr Nshan Alaverdyan** is available to visit parishioners in the hospital, nursing homes, or home visitations. He is also available to conduct Home Blessings, administering Holy Communion, consultations and other sacramental needs. Please call the church office at 020 7373 8133 or Fr Nshan at 07548 777 147.


Ձեր ամեն տեսակի հոգևոր կարիքներուն եւ Խորհրդակատարութիւններուն՝ Տնօրինէքի, հիւանդի այցելութեան, Մբ Հաղորդութեան ստանալու եւ այլ խնդրանքներուն համար դիմեցէք Եկեղեցի 020 7373 8133, կամ ուղղակի հեռաձայնեցէք **Հոգևոր Հովիւ Տէր Նշան Քահանայ Ալավերդեանին** 48 777 147:



## St Yeghiche Armenian Church Parish

Reg Charity No 1173403  
13b Cranley Gardens  
Kensington London SW7 3BB  
Phone: 020 7373 8133  
Email : info@styeghiche.org.uk  
Web: www.styeghiche.org.uk  
Face book:  
www.facebook.com/styeghiche

անհավատներից, իսկ հրեշտակները պատրաստելու են մեղավորների տանջանքի տեղը: Մրանից հետո լինելու է Սուրբ Երրորդության գալուստը: Հրեշտակները, մարգարեները և առաքյալները Նրան ընդառաջ են ելնելու, և Սուրբ Երրորդությունն իջնելու է Երուսաղեմում, ուր սկսվելու է անաչառ դատաստանը: Հայրն իջնելու է տաճարում, Որդին՝ Գողգոթայի վրա, իսկ Սուրբ Հոգին՝ Վերնատանը: **Աշխատասիրությամբ՝ Արամ Դիլանյանի**  
<https://www.youtube.com/watch?v=UWFRFffinxg>



## ՏԵՐՈՒՆԱԿԱՆ ԱՂՕԹՔ

*Հայր մեր, որ յերկինս ես,  
սուրբ եղիցի անուն քո:  
Եկեսցէ արքայութիւն քո:  
Եղիցին կամք քո որպէս յերկինս և յերկրի:  
Ձեռք մեր հանապազորդ տուր մեզ այսօր:  
Եւ թող մեզ զպարտիս մեր,  
Որպէս եւ մեք թողումք մերոց պարտապանաց:  
Եւ մի տանիր զմեզ ի փորձութիւն  
Այլ փրկեա զմեզ ի չարէ.  
Ձի քո է արքայութիւն եւ զօրութիւն  
Եւ փառք յաւիտեանս. Ամէն:*

Hair mer, vor hergins yes,  
Sourp yeghitzi anoon ko.  
Yegestze arkayootioun ko.  
Yeghitzin gamk ko vorbes hergins yev hergri.  
Uzhatz mer hanabazort dour mez aisor.  
Yev togh mez uzbardiz mer,  
Vorbes yev mek toghoumk merotz bardabanats;  
Yev mi danir uzmez ee portzoutiun,  
Ail purgia uzmez ee chareh.  
Zi ko eh arkayootiun yev zoroottiun Yev park havidians.  
Amen.